

Un cumbattu pà ricunstruiscia u ponti trà Lopigna è Rusazia

A u me età, mi ritrovu à francà u fiumi cù l'acqua sin'à l'anchi, in pienu inguernu", lampa Gérard Taddei, purcaghju in Lopigna. Un omu di a sucietà pasturali, quidda di a spartera è di u travagliu di a tarra. Hè maiori è forti, cù un surisu sempri generosu in bocca, quiddu di un gran ziteddu di 62 anni.

U 23 di dicembri, u paesi di u Cruzinu cunstatu i disgrasti fatti da a timpesta Fabien.

Com'è d'abitudine, u pastori falla da u paesi pà purtà à manghjà à i so animali. Ma ùn hè micca statu una timpesta com'una altra. L'acqua hè cuddata altu, à guasgi deci metri. U ponti, cunstruitu in l'anni sessanta, ch'eddu piglia tutti i ghjorni pà travaglià, si n'hè fallatu. "Issu ponti hè dinò una simbolica di a storia, di l'amicizia, di a famiglia... Hè ciò chì facia à leia trà i dui bandi di a vadda, trà Rusazia è Lopigna, rimpienghjì Alain Nebbia, u mer-



Alain Nebbia, u merri di Lopigna, rimpienghjì chì u ponti, simbolu di a storia di u paesi, sia fallatu in fiumi dopu a timpesta Fabien.

[RITRATTI J.-B. L.]

ri di Lopigna. Pensu dinò à Gérard. Cù u so pilonu, franca u fiumi, u sacconu nant'à u spinu. Mi strighjì u cori.

Hè forti è ùn si lagna mai, ma ùn hè micca una raghjoni pà lascià lu in sta situazione".

A catastrofa naturali hè stata ricunnisciuta da u Statu pà i paesi di Lopigna è di Rusazia.

L'altri disgrasti, accaduti à l'abitanti di u paesi, sarani presi in contu pà l'assicurazioni. U problema ùn hè quì.

Disprezzu pà l'agricultori

Ancu s'è u pastori hè quiddu chì facia u più usu di s'infrastruttura, u ponti ùn hè micca u soiu, hè publicu. Una parta in Rusazia, l'altra in Lopigna. In i tempi, hè statu cunstruitu da a merria di Lopigna cù i fondi publichi.

"Gérard Taddei participava à un fondu di garanzia di ca-

tastrofa naturali, pudaria uterla una indennisazioni mori limitata, spieca Alain Nebbia. Hè dunque necessariu di truvà una soluzione cù l'Odarc chì venarà quì, in Lopigna, pà cunstatà. L'urganisimu s'hè mustratu à l'ascolta di i nosci dumandi. Spergu ch'emu da truvà una surtita à stu problema". Un problema chì l'abitanti di u paesi, è ancu quiddi di a vadda, sò determinati à fà spariscia. "C'hè statu mori solidarietà da a porta di i mei è di i me paisani... porta un pocu di calorì", dici Gérard Taddei in un sussuru. Subbitu, un amicu li dici tagliendu lu: "Ùn t'inchietà, l'emu da cunstruiscia no", s'è eddu ci vò, ancu in legnu. Ma un caminu l'avarè sempri o Gé!"

JEAN-BAPTISTE LECA



U purcaghju Gérard Taddei devi francà u fiumi cù l'acqua sin'à l'anchi, in pienu inguernu, per mezu d'una funa.